



d'Riada

Nach Absage im Coronajahr 2022



<p>Jå griab eich Gott liabe Leit mei håbm mia heit a freit derfan wieder amoi singa unsre Gstanzl dårbringa san gebustat 2G Plus weil mia wolln koan vadruss g'schneizt und gscheit desinfiziert gechipt getestet und kastriert</p>	<p>Heier zum 2. mál schon håbm's in Kiada vaschobm auf nächstes Jåhr oder net zwecks Corona des is bled Maskenpflicht desinfizirn hålt in Schach de bledn Viern nur da Kickl scheidt se nix er is entwurmt des is fix</p>
<p>Wüllst du glücklich sein auf Erdn muaßt du Biobäurin werdn nix mehr Spritzen nix mehr Strahn d'Langer Weninger tuat's a nur ihr'n Männ taugt des net sche kloaweis wird eahm des z'bled ban Bio-Sex is's net zum Schwitzen nur mehr Kuschn nimmer Spritzen</p>	<p>Wännst d'ORF Werbungen ånschaust iss koa Wunda wänn da graust Verstopfung und Übelkeit Reizdarm Scheidentrockenheit Harnverlust Inkontinenz Piperlschwäche Impotenz und Bronchien voll zähem Schleim na de Werbung is zum Speim</p>
<p>d'Sylvia Schneider muaß ma sågn is a Frau für ois zum håbm schaut super aus a traum Figur und sie kocht in oana dur auf LT1 da Medienstar da oanser Hås im Fernseh sie steht auf Sånger so a freit Und ihr glick mia hättn Zeit</p>	<p>Politiker gånz ohne fråg is a Beruf den koana måg åbgehört und überwåcht werd'n sie hiazt bei Tåg und Nåcht fazze buck und a Whatsapp kånn nåch verfolgn a jeder Depp In Stelzer kånn des net passiern tuat Postnschachan mit Hirn</p>
<p>Riacha kånn ma fåst den Schweiß und sei Körper der is heiß Fit mit Phillip går koa fråg turnt für die Hausfraun früh am Tåg mei der Phillip is so zackig de Wadln stråmm s'Oaschal knackig då rinnt da Sennerling ois wia so willig werdn's bei uns nia</p>	